



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

25 ապրիլի 2024 թվականի N 611 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐԻՆ ԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ
ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅԱՆ ՊԵՏԱԿԱՆ ԳՈՒՅՔԻ
ԿԱՌԱՎԱՐՄԱՆ ԿՈՄԻՏԵԻՆ ԼԻԱԶՈՐԵԼՈՒ ՄԱՍԻՆ

Հիմք ընդունելով Հայաստանի Հանրապետության քաղաքացիական օրենսգրքի 318-րդ հոդվածի 1-ին մասը, ինչպես նաև հաշվի առնելով Հայաստանի Հանրապետության կառավարության 2023 թվականի սեպտեմբերի 7-ի N 1529-Ա որոշման 2-րդ, 3-րդ կետերը, 4-րդ կետի 1-ին ենթակետը՝ Հայաստանի Հանրապետության կառավարությունը **ո ր ո շ ու մ է.**

1. Լիազորել Հայաստանի Հանրապետության էկոնոմիկայի նախարարին Հայաստանի Հանրապետության կառավարության անունից՝

1) «Ռենշին» սահմանափակ պատասխանատվությամբ ընկերության հետ կնքել «Ծրագրի իրականացման» պայմանագիր (այսուհետ՝ Պայմանագիր)՝ համաձայն N 1 հավելվածի.

2) «Հայփոստ» փակ բաժնետիրական ընկերության և «Ռենշին» սահմանափակ պատասխանատվությամբ ընկերության հետ կնքել «Համաշխարհային առևտրի կենտրոն Երևան» փակ բաժնետիրական ընկերության ստեղծման մասին»

պայմանագիր՝ համաձայն N 2 հավելվածի, որը հանդիսանում է նաև Պայմանագրի Հավելված 2 և դրա անբաժանելի մաս.

3) սույն որոշման 1-ին կետի 2-րդ ենթակետով նախատեսված «Համաշխարհային առևտրի կենտրոն Երևան» փակ բաժնետիրական ընկերության պետական գրանցումից հետո՝ տասնօրյա ժամկետում «Համաշխարհային առևտրի կենտրոն Երևան» փակ բաժնետիրական ընկերության, «Հայփոստ» փակ բաժնետիրական ընկերության և «Ռենշին» սահմանափակ պատասխանատվությամբ ընկերության հետ կնքել «Բաժնետիրական համաձայնագիր»-ը՝ համաձայն N 3 հավելվածի, որը հանդիսանում է նաև Պայմանագրի Հավելված 3 և դրա անբաժանելի մաս:

2. Լիազորել Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեին «Համաշխարհային առևտրի կենտրոն Երևան» փակ բաժնետիրական ընկերության հետ կնքել «Համաշխարհային առևտրի կենտրոն Երևան» ընկերության կանոնադրական կապիտալում անշարժ գույքի ներդրման» պայմանագիր՝ համաձայն N 4 հավելվածի, որը հանդիսանում է նաև Պայմանագրի Հավելված 5 և դրա անբաժանելի մաս:

3. Պայմանագրով նախատեսված ծրագրի իրականացման հսկողությունն իրականացվում է Պայմանագրի շրջանակում Հայաստանի Հանրապետության էկոնոմիկայի նախարարության կողմից:

4. Սահմանել, որ սույն որոշմամբ նախատեսված պայմանագրերի և Համաձայնագրի գործողությունը տարածվում է կողմերի միջև դրա ստորագրման պահից ծագած իրավահարաբերությունների նկատմամբ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան